

Վարդապետը կարգաբերելու անպատկառիկ Նախարարներ ՊՎՖ

(կազմակերպության անվանումը, ներկայացրածի պատվով ազատվելու կամ բնազդ ստուգող անունը)

Գ. Արաբկյանի Մատչելիության Եզրույթի 2 մասը 2.
(ծանուցման հասցեն)

Հարգելի բաժանորդ

Տեղեկացնում ենք, որ Ձեր կողմից 08.12 2023թ.ին ներկայացված Ակցեայտը

հաստատվել է և Ձեզ հետ կնքված է ՀՀ հանրային ծառայությունները կարգավորող հանձնաժողովի 2022թ. դեկտեմբերի 14-ի N 537-Ն որոշմամբ հաստատված Բնական գազի մատակարարման պայմանագրի (հրապարակային պայմանագիր) օրինակելի ձևին համապատասխանող 12.12.23թ. N 45001025 պայմանագիր:

«Գազպրոմ Արմենիա» ՓԲԸ

Արվյանի ԳԳՄ տնօրեն [Ստորագրություն] Դ. Ղազախեցյան

Նիզար Վեբաբյան
(անուն, ազգանուն)



**ԲՆԱԿԱՆ ԳԱԶԻ ՄԱՏԱԿԱՐԱՐՄԱՆ ՊԱՅՄԱՆԱԳՐԻ
(Հրապարակային պայմանագիր)**

Մատակարարը՝ <Գազպրոմ Արմենիա> ՓԲԸ ի դեմս Աբովյանի ԳԳՄ-ի տնօրեն՝ **Պավիթ Ղազախեցյանի**, որը գործում է 01.03.2023թ.ին տրված թիվ 01/15.2/728-2023 լիազորագրի հիման վրա մի կողմից և մյուս կողմից Հայաստանի Հանրապետության հանրային ծառայությունները կարգավորող հանձնաժողովի (այսուհետ՝ Հանձնաժողով) հաստատած օրինակելի ձևին համապատասխան ակցեպտը (այսուհետ՝ ակցեպտ) ներկայացրած Բաժանորդը, այսուհետ համատեղ կոչվելով կողմեր, ղեկավարվելով «Էներգետիկայի մասին» օրենքով, այլ օրենքներով, Հանձնաժողովի հաստատած՝ բնական գազի մատակարարման և օգտագործման կանոններով (այսուհետ՝ ԳՄՕԿ) և այլ իրավական ակտերով, կնքում են սույն պայմանագիրը միասին (այսուհետ՝ Պայմանագիր), որը հրապարակային է և գործում է ստորև շարադրված պայմաններով և Բաժանորդի կողմից ներկայացված՝ ակցեպտում ներառված տվյալներով:

1. ՊԱՅՄԱՆԱԳՐԻ ԱՌԱՐԿԱՆ

1. Պայմանագրի համաձայն՝ մատակարարը բաժանորդին մատակարարում է բնական գազ, իսկ բաժանորդը վճարում է իրեն մատակարարված բնական գազի դիմաց:

2. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

2. Պայմանագրի համաձայն կողմերն ունեն այն բոլոր իրավունքները և պարտականությունները, որոնք նախատեսված են ԳՄՕԿ-ով:

3. ԳՄՕԿ-ով նախատեսված դեպքերում և կարգով Մատակարարի կողմից գազասպառման համակարգի տեխնիկական սպասարկման ծառայության մատուցման դեպքում Բաժանորդը պարտավոր է վճարել մատուցված ծառայության դիմաց:

3. ՄԱՏԱՐԱԿԱՐԿԱԾ ԲՆԱԿԱՆ ԳԱԶԻ ԳԻՆԸ, ՔԱՆԱԿԻ ԵՎ ԱՐԺԵՔԻ ՀԱՇՎԱՐԿԸ, ԿՃԱՐՄԱՆ ԿԱՐԳԸ

4. Հաշվարկային ամսվա ընթացքում մատակարարված բնական գազի քանակությունը որոշվում է ԳՄՕԿ-ով սահմանված կարգով:

5. Հաշվարկային ամսվա ընթացքում Բաժանորդին մատակարարված բնական գազի արժեքը որոշվում է Հանձնաժողովի կողմից սահմանված սակագնի և մատակարարված բնական գազի քանակության արտադրյալով:

6. Հանձնաժողովի կողմից բնական գազի սակագնի փոփոխման դեպքում նոր սակագինն ուժի մեջ է մտնում Հանձնաժողովի սահմանած ժամկետից:

7. Բաժանորդը մատակարարված (վերահաշվարկած) Բնական գազի և գազասպառման համակարգի տեխնիկական սպասարկման համար մատուցված ծառայության արժեքը պարտավոր է վճարել ԳՄՕԿ-ով սահմանված կարգով և ժամկետներում Մատակարարի կողմից հաշվարկային (վճարման) փաստաթուղթ ներկայացնելուց կամ տեղեկացված լինելուց հետո 7 օրվա ընթացքում:

8. ԳՄՕԿ-ի համաձայն տույժ հաշվարկելու դեպքում Մատակարարը Բաժանորդի վճարումներից առաջնահերթ մարում է մատակարարված բնական գազի արժեքը՝ ըստ դրա վճարման համար սահմանված ժամկետի վաղեմության, հետո միայն հաշվարկված տույժի գծով պարտավորությունները:

9. Բաժանորդի կողմից վճարում չկատարելու դեպքում, եթե վերջինս ներկայացրել է Մատակարարի համար ընդունելի պայմաններով վճարման երաշխիքներ կամ նրա հետ կազմել է պարտքի մարման ժամանակացույց, ապա Մատակարարը չպետք է դադարեցնի Բաժանորդի գազամատակարարումը: Եթե Բաժանորդը պարտքը չի

մարում ըստ ժամանակացույցի, ապա Մատակարարն իրավունք ունի դադարեցնել նրա գազամատակարարումը՝ ԳՄՕԿ-ով սահմանված կարգով նախագրուշացնելուց հետո:

10. Մատակարարի հանդեպ դրամական պարտավորությունների բացակայության դեպքում Բաժանորդի վճարումները որպես կանխավճար ուղղվում են ապագայում առաջացող պարտավորությունների կատարմանը, եթե Բաժանորդը այդ գումարի վերադարձի պահանջ չի ներկայացրել:

4. ՊԱՅՄԱՆԱԳՐԻ ԳՈՐԾՈՂՈՒԹՅՈՒՆԸ

11. Պայմանագիրը կնքված է համարվում ակցեպտը Մատակարարի կողմից հաստատելու պահից:

12. Հանձնաժողովի կողմից բնական գազի մատակարարման պայմանագրի նոր օրինակելի ձև հաստատվելու կամ դրանում փոփոխություններ, լրացումներ կատարվելու դեպքում Հանձնաժողովի համապատասխան իրավական ակտն ուժի մեջ մտնելու պահից կնքված պայմանագրերը համարվում են նոր կամ փոփոխված ձևին համապատասխան կնքված կամ փոփոխված:

13. Պայմանագիրը կնքվում է անորոշ ժամկետով՝ բացառությամբ ԳՄՕԿ-ով սահմանված դեպքերի:

Բնական գազի մատակարարման դադարեցումն իրականացվում է ԳՄՕԿ-ով սահմանված դեպքերում և կարգով:

14. Բնական գազի մատակարարման դադարեցումն իրականացվում է ԳՄՕԿ-ով սահմանված դեպքերում և կարգով:

15. Պայմանագիրը լուծվում է՝

1) կողմերի փոխադարձ համաձայնությամբ.

2) Բաժանորդի կողմից միակողմանի՝ այդ մասին Մատակարարին տեղեկացնելու, ինչպես նաև մատակարարված բնական գազի և մատուցված ծառայության դիմաց ամբողջությամբ վճարելու պայմանով.

3) Մատակարարի կողմից միակողմանի՝

ա. բնակիչ Բաժանորդի մահվան, իրավաբանական անձ Բաժանորդի լուծարման դեպքում,

բ. ակցեպտի վերադարձման՝ ԳՄՕԿ-ով նախատեսված հիմքերի բացահայտման դեպքում,

գ. գազամատակարարվող տարածքի (շենքի, շինության) նկատմամբ իրավունք ունեցող անձի գրավոր պահանջի դեպքում, եթե Բաժանորդը չունի ԳՄՕԿ-ով պահանջվող տարածքի (շենքի, շինության) նկատմամբ իր իրավունքները հավաստող փաստաթուղթ՝ Բաժանորդին նախապես տեղեկացնելու պայմանով, բացառությամբ ԳՄՕԿ-ով նախատեսված դեպքի.

դ. ԳՄՕԿ-ի համաձայն կնքված ժամանակավոր Պայմանագրերի գործողության ժամկետի ավարտվելու դեպքում՝ այդ մասին Դիմող անձին (Բաժանորդին) նախապես տեղեկացնելու պայմանով.

ե. օրենքով, ԳՄՕԿ-ով, Պայմանագրով և Հանձնաժողովի այլ իրավական ակտերով նախատեսված դեպքերում՝ այդ մասին Բաժանորդին նախապես տեղեկացնելու պայմանով:

16. Կողմերի համաձայնությամբ Պայմանագրում փոփոխություններ կարող են կատարվել գրավոր պայմանով, որ չեն հակասի Հանձնաժողովի կողմից հաստատված և գործող օրինակելի ձևին և Հանձնաժողովի այլ իրավական ակտերին:

17. Պայմանագրի փոփոխումը կամ դադարումը կողմերին չի ազատում մինչ այդ պայմանագրով ստանձնած և չկատարված պարտավորությունների կատարումից:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

18. Կողմերը պայմանագրային պարտավորությունների չկատարման կամ ոչ պատշաճ կատարման համար պատասխանատվություն են կրում օրենքով, ԳՄՕԿ-ով, ինչպես նաև Պայմանագրով սահմանված կարգով և դեպքերում:

19. Մատակարարը սպասարկման որակի պահանջների խախտման դեպքում պարտավոր է ՉՄՕԿ-ով սահմանված կարգով Բաժանորդին վճարել տույժ:

20. Որակի ցուցանիշներից շեղումներով բնական գազ մատակարարելու համար Մատակարարը փոխհատուցում է Բաժանորդի կրած վնասը օրենքով սահմանված կարգով:

21. Բաժանորդի (բացառությամբ բնակչության) կողմից Պայմանագրի համաձայն վճարման ժամկետը խախտելու դեպքում Մատակարարն իրավունք ունի Բաժանորդից պահանջել վճարելու տույժ՝ ժամկետանց յուրաքանչյուր օրվա համար չվճարված գումարի 0.1 տոկոսի չափով, բայց ոչ ավելի, քան չվճարված գումարի 10 տոկոսը: Տույժը կարող է հաշվարկվել Հաշվարկային ամսվան հաջորդող ամսի 20-ից, եթե դրանից առնվազն 7 օր առաջ Մատակարարը ՉՄՕԿ-ով սահմանված կարգով տեղեկացրել է Բաժանորդին մատակարարված բնական գազի քանակի և արժեքի մասին: Հակառակ դեպքում տույժը հաշվարկվում է ՉՄՕԿ-ով սահմանված կարգով տեղեկացնելուց ոչ շուտ, քան 7 օր հետո:

22. Կողմը պայմանագրային պարտավորությունների խախտման համար պատասխանատվություն չի կրում, եթե այն հետևանք է ֆորս մաժորի: Ֆորս մաժոր համարվող դեպքերը, ինչպես նաև դրանց կիրառման կարգը սահմանվում է ՉՄՕԿ-ով:

6. ԱՅԼ ՊԱՅՄԱՆՆԵՐ

23. Պայմանագրում հասկացություններն ունեն «եներգետիկայի մասին» օրենքով, ՉՄՕԿ-ով սահմանված նշանակությունը, եթե այլ բան ուղղակիորեն նախատեսված չէ Պայմանագրով:

24. Պայմանագրով Բաժանորդը համաձայնություն է տալիս ՉՄՕԿ-ի համաձայն իր կողմից ներկայացված անձնական տվյալները հասանելի դարձնել այլ անձանց (այդ թվում՝ բանկերին, փոստային բաժանմունքներին, վճարահաշվարկային կազմակերպություններին)՝ ՉՄՕԿ-ի համաձայն մատակարարված (վերահաշվարկված) բնական գազի դիմաց տեղեկությունը հասանելի դարձնելու, ինչպես նաև օրենքով և Պայմանագրի շրջանակում Մատակարարի կողմից ստանձնած պարտավորությունները կատարելու համար:

25. Բաժանորդն ապահովում է Մատակարարի լիազոր ներկայացուցիչների մուտքն իր տարածք ՉՄՕԿ-ով սահմանված կարգով, եթե դա անհրաժեշտ է Մատակարարի կողմից ՉՄՕԿ-ով սահմանված պարտականությունների կատարման համար:

26. Կողմերի միջև առաջացող բոլոր վեճերը (տարաձայնությունները) կարգավորվում են բանակցությունների միջոցով:

27. Վեճը (տարաձայնությունը) կողմերի համաձայնությամբ չկարգավորվելու դեպքում կողմերից յուրաքանչյուրը կարող է դիմել Հանձնաժողով՝ վերջինիս իրավասությունների շրջանակում վիճարկվող հարցերը լուծելու խնդրանքով կամ վեճի լուծումը հանձնել իրավասու դատարան, եթե կողմերի համաձայնությամբ չի որոշվել գործը հանձնել արբիտրաժի լուծմանը:

7. ՄԱՏԱԿԱՐԱՐԻ ՎԱԿԵՐԱՊԱՅՄԱՆՆԵՐԸ

Անվանում՝ <Գազպրոմ Արմենիա> ՓԲԸ, Աբովյանի ԳԳՄ
Գտնվելու վայրը՝ Կոտայքի մարզ ք.Աբովյան Սևանի 16
Հեռախոս՝ 0222 20272 -27

Էլ. փոստ՝ abovyan@gazpromarmenia.am

ՀՎՀՀ 00046317

Հ/հ՝ 2471000404080010

Բանկ՝ <Արդշինբանկ> ՓԲԸ

Գործունեության լիցենզիա N՝ 0110